

POTPISANA DEKLARACIJA O NULTOJ TOLERANCIJI NA KORUPCIJU

Povodom 9. prosinca Međunarodnog dana borbe protiv korupcije, Branko Vukoja, ravnatelj Agencije za školovanje i stručno usavršavanje kadrova prisustvovao je svečanoj ceremoniji potpisivanja Deklaracije o nultoj toleranciji na korupciju u institucijama za provedbu zakona, upriličenoj u Sarajevu. Svečanoj ceremoniji potpisivanja Deklaracije, proizašle iz realizacije Projekta „Jačanje provedbe zakona“ koji financira Europska unija u BiH, prisustvovali su predstavnici Europske unije, Ministarstva sigurnosti Bosne i Hercegovine, Direkcije za koordinaciju policijskih tijela, Državne agencije za istrage i zaštitu, Granične policije, Službe za poslove sa strancima, Agencije za školovanje i stručno usavršavanje kadrova, Federalnog ministarstva unutarnjih poslova, Ministarstva unutrašnjih poslova Republike Srpske, Policije Brčko Distrikta te predstavnici ministarstava unutarnjih poslova svih deset županija u Federaciji BiH.

DEKLARACIJA

„Pozivajući se na međunarodne konvencije, instrumente i mehanizme, naročito na Konvenciju Ujedinjenih nacija protiv korupcije (UNCAC), relevantne konvencije Vijeća Europe, GRECO mehanizam praćenja i Konvenciju OECD-a protiv podmićivanja i Strategiju za borbu protiv korupcije Bosne i Hercegovine 2015 - 2019;

priznajući da korupcija predstavlja ozbiljnu prijetnju razvoju i stabilnosti koja ima štetne posljedice na svim razinama upravljanja i podriva povjerenje javnosti u institucije za provedbu zakona;

ponovo naglašavajući potrebu da se prati sveobuhvatan pristup u borbi protiv korupcije na temelju cjelokupnog okvira prevencije i efikasne suradnje između institucija za provedbu zakona;

imajući u vidu potrebu za jačanjem kapaciteta institucija za provedbu zakona za istrage u predmetima korupcije bilo koje vrste;

promovirajući, omogućavajući i podržavajući državnu i međunarodnu suradnju i pomoć;

uzimajući u obzir potrebu da se učvrsti kultura etike i transparentnosti, naročito kroz edukaciju, te da se osigura policijski integritet i ojača objektivan, demokratski i djelotvoran nadzor nad policijskim službama kako bi se učvrstilo povjerenje javnosti u institucije;

- pozivamo na kažnjavanje kaznenih djela korupcije kroz zatvorsko i novčano kažnjavanje i djelotvorne sisteme za oduzimanje nezakonito stečene imovine;
- pozivamo građane Bosne i Hercegovine da pruže potporu institucijama za provedbu zakona u njihovim naporima u prevenciji i borbi protiv korupcije.

Svaka od policijskih agencija potpisnica Deklaracije izražava nultu toleranciju na korupciju i čvrsto osuđuje korupciju na svim nivoima, saglasna je sa principima, ciljevima i vrijednostima Strategije za borbu protiv korupcije Bosne i Hercegovine i izražava povjerenje u plodonosne napore u borbi protiv korupcije.“